

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

XXXIV.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

teri parti debentur, suo juri vindicare; sed utraque pars illis, quæ in hac sibi concessa sunt divisione, omnino contenta permaneat. Et ut hæc nostræ auctoritatis confirmatio incorruptum stabilitatis suæ vigorem obtineat, hanc cartam scribi jussimus, propriaque manu corroborantes, imaginis nostræ sigillo munivimus. Si qua igitur major minorve persona hanc nostræ confirmationis paginam agnoscens, hanc infringere seu violare attemptaverit, Divinæ pacis expers fiat; omnibus autem eam diligentibus, atque conservantibus, & pax a Domino hic relinquatur, & pax in futuro plena donetur. Amen. Amen. Data VI. Idus Februarii, feria VII. anno ab Incarnatione Domini MCXXX. Indictione VIII. Anno Regni Lotharii V. Actum Basileæ feliciter. Amen.



XXXIV.

DIPLOMA LOTHARII II. IMP. DATUM PRÆPOSTURÆ TURICENSI.

A N N O M C X X X.

Ex Tabulario Turicensi.

In nomine Sanctæ & individuæ Trinitatis. Lotharius Tercius divina favente Clementia Romanorum Rex. Omnibus Christi nostrique fidelibus, tam futuris quam presentibus notum fieri volumus, qualiter

qualiter nos rogatu & petitione Principum nostrorum Anserici videlicet Bifuntiensis Archiepiscopi, Brunonis Argentinensis Episcopi, Ottonis Halverstadensis Episcopi, Bertoldi Basiliensis Episcopi, Ruodulfi Augensis Abbatis, Wigrammi Fabariensis Abbatis, Bertolfi Morbacensis Abbatis, Tisintini Everardi Abbatis, *Cuonradi Ducis de Zarenche, Hermannii Marchionis de Bathen*, Ruodulfi & Vodelrici Comitum de Lentzenburhc, Sigeberti Comitum de Alfatia, Hulherici Comitum de Hengensheim, Volmari de Hunenburche, Bertolfi Comitum de Nuenburhe, Wernerii Comitum de Dirstein, jura & leges, quas Predecessores nostri Reges & Imperatores Karolus & Ottones, Cuonradus & Heinrici Præposituræ nostræ in honorem venerabilium Martyrum Felicis & Regulæ in loco Turego constructæ dederunt & privilegiis suis confirmaverunt, nos quoque ob salutem animæ nostræ easdem leges damus & nostro etiam privilegio confirmamus, scilicet ut liberam facultatem in claustro suo habeant eligendi Præpositum, & ut res illorum sine dominio alicujus personæ liberæ serviant, & ut regii fiscalini Turegienses justiciam, quam ab antecessoribus nostris antiquitus habuerunt, firmiter & inviolabiliter teneant & undecunque velint uxores ducant & in nostro servitio permaneant, & ut nulli liceat aliquem de familia illorum Tributarios sive beneficiarios alicui in servitutem dare, vel aliquo modo subjugare. Hoc etiam firmiter precipimus, & Imperiali auctoritate sancimus, ut advocatum nullum habeant, nisi unum, qui si forte aliquem alium sub se locaverit, ille privatus honore suo Advocatia illa perpetuo careat, & ille Subadvocatus bannum a Rege vel Imperatore percipiat. Hoc etiam omnes scire volumus, quod idem Advocatus curtes fratrum

Cod. Dipl.

K

nullo modo intrare debet, nisi communiter a fratribus invitatus, quia de feudis & aliis rebns ejusdem Ecclesie, hac conditione est inbeneficiatus. Si quis vero forte quod absit hujus nostri Præcepti paginam infirmare vel infringere temptaverit, centum libras auri componat, medietatem Camere nostræ & medietatem supradictæ Ecclesie & Canonicis. Ut autem hoc verum esse credatur & ab omnibus observetur, hanc Cartam manu propria corroboratam inpressione nostri Sigilli insigniri jussimus.

Signum Domini Lotharii tertii Dei gratia (Locus Monogrammaticus) • Romanorum Regis invictissimi.

Ego Thietmarus Regis Notarius vicem Adelberti Archicancellarii recognovi.

Data VIII. Idus Februarii Anno Dominicæ Incarnationis Millesimo C. XXX. Indictione VIII. Anno vero Regni Domini Lotharii tertii Dei gratia Romanorum Regis nobilissimi quinto. Actum Basileæ feliciter. Amen.